



Inatsisartuni ilaasortaq Emanuel Nûko, Partii Naleraq
/maani

Tasiilami, Ittoqqortoormiini aamma Qaanaami internet pillugu § 37 naapertorlugu apeqquteqaammut 2019-191-imut akissut

Asasara Emanuel Nûko

24-05-2019
Suliaq nr.: 2019 - 12159
Id nr. 41378733

Inatsisartut suleriaasianni § 37 naapertorlugu Tasiilami, Ittoqqortoormiini aamma Qaanaami internet pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1. Naalakkersuisut Tasiilami, Ittoqqortoormiini aamma Qaanaami Internet-imik atuinnermut akinik appaaniarpat aammalu GB-ip atornerqarneranut qaffaanermik iluarsiissamaarpat?

Akissut: Internetimik kiffartuussinernik neqerooruteqartarnerit namminersortunngorsagaapput. Taamaattumik Naalakkersuisut pisinnaasanik akinillu aalajangersaanissamat piginnaatinneqanngillat.

Malugeqqara Tasiilaq, Ittoqqortoormiit aamma Qaanaaq qaammataasanik attaveqarfiummata, qaammataasatigoortullu pisinnaasaat annikunnerujussuullutik. Taamaattumik nalunaarasuartaatinik atuisut immap naqqatigut kabeleqarfinni atuisutulli atuisinnaanngillat.

Apeqqut 2. Nuuk-mi 500 GB akeqarpoq 1.099,-koruunit, paarlattuanik 20 GB Tasiilami, Ittoqqortoormiini aamma Qaanaami aamma 999,-koruuneqarluni, sunaana pissutaasoq taamatut akit assigiinnginnerannut?

Akissut: Akit aalajangersimasut niuerfimmi namminersortunngorsakkami sullissisunit aalajangerneqartarput. Sullissisut TELE-POST-ip nalunaarasuartaatini attaveqaatigut atuinnermut akigititai aallaavigalugit akinik aalajangersaasarput. Immap naqqatigut kabeli aqqutigalugu atukkat amerlaqataannik qaammataasakkut atuneq akisunerungaatsiarpoq.

Apeqqut 3. Naalakkersuisut pilersaaruteqarnerlutik søkabel-ip Tasiilamut, Ittoqqortoormiinut aamma Qaanaamut attavilerneqarnissaanut?

Akissut: Illoqarfiit nunaqarfiillu akornanni aamma nunanut allanut nalunaarasuartaateqarnermut attaveqaatinik sanaartorneq TELE-POST-ip akisussaaffigaa. Aammattaaq Tunumut immap naqqatigut kabelikkut attaveqaasiisinnaaneq pillugu § 37 naapertorlugu apeqquteqaammut 2018-190-imut

akissuteqaat innersuukkusuppara.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Karl Frederik Danielsen